



Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten

...

namentlich in Beziehung auf Anhalt, Bayern, Böhmen, ... und andere
Länder ; [Urkunden-Sammlung für die Geschichte der auswärtigen
Verhältnisse]

Riedel, Adolph Friedrich

Berlin, 1846

MCDLXXIV. Nebenvertrag Friedrichs, Sigismunds, Heinrichs und Wilhelms,
Gebrüdern, Herzogen zu Sachsen, und Friedrichs, Johannis, Friedrichs und
Albrechts, Markgrafen zu Brandenburg zu ihrer ...

Nutzungsbedingungen

[urn:nbn:de:hbz:466:1-56104](https://nbn-resolving.org/urn:nbn:de:hbz:466:1-56104)

vnd Marggraue Johans von Brandenburg, für vns vnd die obgenant vnser Sone vnd Brüdere, vnser Infigele mit guter wissen an disen brief lassen hencken, darunter wir obgenant Herczog Sigmunt, Heinrich vnd Wilhelm, vnd wir obgenant Marggrauen Fridrich der Junger vnd Albrecht vns verpinden, alles das getrewlichen zu halten zu tun vnd zu vollfuren, das an disem brief von vns geschriben steet, on alles geuerde. Das ist gescheen vnd der brief ist geben zu Plawen, An sant Jacobs tag des heiligen zwelfbotten, Nach Cristi geburt, do man zalte vierzehenhundert Jare vnd Im Newn vnd zweinzigsten Jaren.

Nach dem im Königl. Sächsisch. Geh. Archiv in Dresden befindlichen Original.

MCDLXXIV. Nebenvertrag Friedrichs, Sigismunds, Heinrichs und Wilhelms, Gebrüdern, Herzogen zu Sachsen, und Friedrichs, Johans, Friedrichs und Albrechts, Marggrafen zu Brandenburg zu ihrer Vereinigung, vom 25. Juli 1429.

Von gots gnaden Wir Fridrich, Sigmund, Heinrich vnd Wilhalm gebrudere Herczogen zu Sachsen, lantgrauen in Döringen vnd Marggrauen zu Meissen etc. vnd wir Fridrich, Johans, Fridrich vnd Albrecht, von denselben gnaden Marggrauen zu Brandenburg vnd Burggrauen zu Nuremberg, Bekennen vnd tun kunt offentlichen mit disem brief gen allermeniglichen. Als wir itzunt vmb des besten willen einer verpintnulle vnd eynung mit einander eingegangen sein, als die dann Innhelt vnd vzwweifet, Haben wir vns sunderlichen vnderredt, ob icht pruche zwischen den vnsern beiderseyten weren, ee diese newe eynung zwischen vns angegangen vnd gescheen ist, das wir vnd Sij der zu aufztrag kommen sollen, nach Innhalt der eynung, die vnser herre vnd vater her Fridrich, Herczog zu Sachsen seliger, Vnd wir Marggraue Fridrich von Brandenburg, vnd vnser Sone vormals miteynander gehabt haben, one alle geuerde: vnd sollen mit diser newen eynung des vnuerpunden sein. Zu vrkunde haben wir Herczog Fridrich zu Sachsen, vnd wir Marggraue Fridrich von Brandenburg, vnser Infigele an disen brief gehalten, darunder wir ander von Sachsen vnd von Brandenburg vns verpinden, Der brief ist geben zu Plawen, an sant Jacobs tag des heiligen zwelfbotten, Nach Cristi geburt, do man zalte vierzehenhundert vnd in dem Newn vnd zweinczigsten Jaren.

Nach dem im Königl. Sächsisch. Geh. Archiv in Dresden befindlichen Original.